

周

禮

正

義

周禮正義卷二

瑞安孫詒讓學

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民大曰邦小曰國邦之所居亦曰國典常也經也法也王謂之禮經常所乘以治天下也邦國官府謂之禮法常所守以爲法式也常者其上下通名擬猶馴也統猶合也詰猶禁也書曰度作詳刑以詰四方任猶傳也生猶養也鄭司農云治典冢宰之職故立其官曰使帥其

屬而掌邦治以佐王均邦國教典司徒之職故立其官曰使帥
其屬而掌邦教以佐王安擾邦國禮典宗伯之職故立其官曰
使帥其屬而掌邦禮以佐王和邦國政典司馬之職故立其官
曰使帥其屬而掌邦政以佐王平邦國刑典司寇之職故立其
官曰使帥其屬而掌邦禁以佐王刑邦國此三時皆有官唯冬
無官又無司空以三隅反之則事典司空之職也司空之篇亡
小宰職曰六曰冬官其屬六十掌邦事疏大宰之職者天官之
正所分掌之職事卽下入法之官職也官各有職百官府所同
經惟大宰小宰宰夫云職者以正貳攷其官特尊故別異其文
地春夏秋冬四官並放此云掌建邦之六典者敘官注云建立也
釋例言建者並謂修立其政法之書頒而行之六典至九兩卽

後文治象之法亦卽治官官法之禮會也六典分屬六官大宰
掌治而總建六典者敎官先鄭注云六官皆總屬於冢宰是也
云以佐王治邦國者大宰之治外統邦國故穀梁僖九年傳云
天子之宰通于四海云一日治典以經邦國以治官府以紀萬
民者國語楚語韋注云經經緯也大戴禮記盛德篇云是故官
屬不理分職不明法政不一百事失紀曰亂也亂則飭冢宰又
云冢宰之官以成道之以道則國治卽治邦國官府之義詩大
雅棫樸云綱紀四方鄭箋云以綱罔喻爲政張之爲綱理之爲
紀白虎通義三綱六紀篇云綱者張也紀者理也大者爲綱小
者爲紀所以張理上下整齊人道也內則云后王命冢宰降德
于衆兆民鄭注云天子曰兆民諸侯曰萬民案此散文得通賈

疏謂以畿內據近而言非是云二曰教典以安邦國以教官府以覆萬民者盛德記云地宜不殖財物不蓄萬民飢寒教訓失道風俗淫僻百姓散敗曰危也危則飭司徒又云司徒之官以成德以之德則國安卽安邦國之義云三曰禮典以和邦國以統百官以諧萬民者爾雅釋詁云諧和也和諧諷同變文以見義盛德記云父子不親長幼無序君臣上下相乖曰不和也不和則飭宗伯又云宗伯之官以成仁以之仁則國和卽和邦國諧萬民之義云四曰政典以平邦國以均萬民以正百官者盛德記云賢能失官爵功勞失賞祿爵祿失則士卒疾怨兵弱不用曰不平也不平則飭司馬又云司馬之官以成聖以之聖則國平卽平邦國之義云五曰刑典以詰邦國以刑百官以糾萬

民者小宰注云剝猶割也察也盛德記云刑罰不中暴亂姦邪不勝曰不成不成則飭司寇卽詰邦國之義云六曰事典以富邦國以任百官以生萬民者盛德記云百度不審立事失理財物失量曰貧也貧則飭司空卽富邦國之義治典教典曰官府禮政刑事四典曰百官者亦變文也後文及小宰宰夫詳言之曰百官府賂言之則或曰官府或曰百官其實一也賈疏謂尊天地二官不局其數故不云百官而云官府非也小宰六職及諸官敘首所說與此經小異大同並文偶變易不爲義例 注云大曰邦小曰國者說文邑部云邦國也又口部云國邦也釋名釋州國云大曰邦邦封也封有功於是也案此注析言之故大邦小國大小並據封域所包而言許統言之故邦國互訓不

分大小此經上曰邦者據王國而言下曰邦國者總舉大小侯
 國通言之王國亦曰國故詛祝云作盟詛之載辭以敘國之信
 用以質邦國之劑信注云國謂王之國邦國諸侯國也賈疏云
 周禮凡言邦國者皆是諸侯之國此言大曰邦小曰國者止據
 此文邦在上國在下故為此解案儀禮覲禮云同姓大國異姓
 小邦則邦國大小通也云邦之所居亦曰國者此復於大邦小
 國中析言之明國又為對野之稱也呂氏春秋明理篇高注云
 國都也賈疏云此即據王國而言故上云惟王建國匠人營國
 方九里與典命國家皆是邦之所居亦曰國也釋文引干注云
 國天子諸侯所理也邦疆國之境案理當作治陸書傳寫避唐
 諱改干以國為天子諸侯所治即邦之所居也惟以邦為國境

則不分邦大國小與鄭說小異云典常也經也法也者賈疏云爾雅釋詁云典常也孫氏云禮之常也釋言云典經也又云法者以其經常者卽是法式論議案說文丁部云典五帝之書也又引莊都說典大冊也典本訓書冊書冊所以著政法故又爲典法也毛詩周頌維清傳云典法也典法者治之大經可以常行者故又訓經訓常此並展轉引申之義鄭言此者明典含義甚廣施之尊卑各有所取也云王謂之禮經常所乘以治天下也者卽經邦國之義明上乘之以治下者也云邦國官府謂之禮法常所守以爲法式也者法式者下守之以事上亦與下入法治官府義略同云常者其上下通名者賈疏云經據在上禮據在下至於王與邦國官府俱有常義故云常者上下通名也

云擾猶馴也音服不氏注義同此假借之義也呂飛鵬云說文手部擾煩也與馴義異牛部擾云柔謹也馴擾之擾當作擾玉篇曰尚書擾而教字如此惠棟云春秋傳云乃擾畜龍應劭史記注云擾音柔擾馴也尚書擾而教徐廣曰擾一作柔擾有柔音故史記或作柔又有馴音故李軌徐邈皆音尋倫反或音而小反失之案惠呂說是也擾卽擾之借字廣雅釋詁云擾馴善也又釋言云馴擾也擾柔亦聲近義通國語齊語云寬惠柔民柔民猶言擾民也地官敘官注云擾亦安也安與馴義亦相成云統猶合也者後入統注云統所以合率以等物也說文糸部云統紀也紀別絲也別絲必總合之故又引巾爲統合之義漢書敘傳張晏注云統合也書周官孔疏引馬融注云統本也百

官是宗伯之事也案本與統合義亦相近云詰猶禁也者說文
言部云詰問也引申爲詞禁之義廣雅釋詁云詰責也責與禁
義亦相成釋文引干注云詰彈正糾察也義與鄭略同引書曰
度作詳刑以詰四方者呂刑文僞孔本刑上無詳字大司寇注
引書亦作詳刑蓋鄭據今文書爲注本有此字後漢書劉愷傳
李注引鄭書注云詳審察之也書僞孔傳云度時世所宜訓作
贖刑以治天下四方之民此引之者證詰邦國卽彼詰四方也
云任猶傳也者後注同說文人部云任保也引申爲傳立之義
釋名釋言語云事傳也傳立也凡所立之功也故青徐人言立
曰傳也案傳有立義此經凡作官民以立其職事治土地以立
其材產並謂之任大司馬注又云任猶事也事與傳聲義亦同

賈疏云傳猶立也東齊人物立地中爲傳欲使百官皆立其功也云生猶養也者本職後注同說文生部云生進也引申爲生養之義大戴禮記夏小正傳云養長也生長義亦同賈疏云冬官主土地所以養民故也鄭司農云治典冢宰之職以下者並據五官敘官文云此三時皆有官唯冬無官又無司空者謂四時之官唯冬官亡闕也云以三隅反之則事典司空之職也者三隅反論語述而篇文謂以春夏秋三官例之則司空篇首當有使帥其屬而掌邦事之文故知事典司空之職是也云司空之篇亡者謂河閒獻王得周官時亡此篇賈疏謂六國時亡其時以考工記代之非也詳前及考工記總敘疏引小宰職曰六曰冬官其屬六十掌邦事者冬官旣亡而小宰六屬有冬官掌

邦事之文故引以證司空掌事典也以八瀆治官府一曰官屬以
舉邦治二曰官職以辨邦治三曰官聯以會官治四曰官常以
聽官治五曰官成以經邦治六曰官濇以正邦治七曰官刑以
糾邦治八曰官計以弊邦治百官所居曰府弊斷也鄭司農云官
屬謂六官其屬各六十若今博士大史大宰大祝大樂屬大常
也小宰職曰以官府之六屬舉邦治一曰天官其屬六十是也
官職謂六官之職小宰職曰以官府之六職辨邦治一曰治職
二曰教職三曰禮職四曰政職五曰刑職六曰事職官聯謂國
有大事一官不能獨共則六官共舉之聯讀爲連古書連作聯
聯謂連事通職相佐助也小宰職曰以官府之六聯合邦治一
曰祭祀之聯事二曰賓客之聯事三曰喪荒之聯事四曰軍旅

之聯事五曰田役之聯事六曰斂弛之聯事官常謂各自領其
官之常職非聯事通職所共也官成謂官府之成事品式也小
宰職曰以官府之八成經邦治一曰聽政役以比居二曰聽師
田以簡稽三曰聽閭里以版圖四曰聽稱責以傅別五曰聽祿
位以禮命六曰聽取予以書契七曰聽賣買以質劑八曰聽出
入以要會官悉謂職所主之法度官職主祭祀朝覲會同賓客
者則皆自有其法度小宰職曰以法掌祭祀朝覲會同賓客之
戒具官刑謂司刑所掌墨劓鼻宮臠劓鼻殺臠也官計謂三
年則大計羣吏之治而誅賞之立謂官刑司寇之職五刑其四
曰官刑上能糾職官計謂小宰之六計所以斷羣吏之治疏以
入廢治官府者釋文云廢古法字案說文馬部云廢刑也平之

如水從水爲所以觸不直者去之從爲去重文法今文省凡經皆作澆注皆作法經例用古字注例用今字也法本爲刑法引申之凡典禮文制通謂之法韓非子難三篇云法者編著之圖籍設之於官府而布之於百姓者也此八法爲治百官之通法全經六篇文成數萬總其大要蓋不出此八科以大宰一職論之自職首至末通爲官職其中六典八法之等建立大綱則官法也正月之吉始和布治於邦國都鄙以下行事細別則官常也歲終則令百官府各正其治受其會聽其致事而詔王廢置三歲則大計羣吏之治而誅賞之受會則官成也廢置誅賞則官刑也計吏則官計也至於率領貳攷以下則有官屬旁通五官則有官聯其餘六官三百六十職雖有尊卑事有繁簡要

此入法足以眩之矣賈疏云此入濩雖不云建亦有建義故鄭注大史職云六典入濩入則冢宰所建以治百官大史又建焉是也上六典云治邦國此入濩云治官府官府在朝廷之官府也云一日官屬以舉邦治者賈疏云以下皆單言邦據王國而言之云三日官聯以會官治四曰官常以聽官治者此入濩皆云邦治唯官聯官常云官治者亦變文無義例故小宰六職亦云合邦治賈疏謂官聯言官欲取會合衆官乃始得治官常言官欲取官有常職各自治其官故二者不言邦而云官失之餘詳小宰疏 注云百官所居曰府者廣雅釋宮云府舍也官也管子度地篇云官府寺舍文選東京賦薛綜注云官吏所止爲府左隱七年孔疏引風俗通云府聚也公卿牧守府道德之所

聚也案府者大名其小者卽宮正次舍之舍注云舍其所居寺是也凡內外衆官皆有府寺長各率其屬而居之賈疎云官府與上府史之府別彼府主藏文書此府是百官所居處皆是府聚之義也云弊斷也者小宰賦祿掌四注並同小爾雅廣言云蔽斷也左昭十四年傳叔魚蔽罪邢侯杜注同大司寇先鄭注引左傳蔽作弊弊卽蔽之借字鄭司農云官屬謂六官其屬各六十據小宰六屬文屬猶言屬別謂以爵秩尊卑相領楚國語楚語云五物之官陪屬萬爲萬官彼據五官言之義亦同也凡官屬有總屬有分屬有當官之屬有冗散之屬總屬卽六官屬各六十通屬於其正是也分屬若庖人內饗外饗亨人屬膳夫是也當官之屬者宮正中下士以下屬於上士是也冗散之屬

若四方之以舞仕者屬旄人國勇力之士屬司右相犬率犬者屬犬人皆無職名員數是也四者各以尊卑相隸通謂之官屬先鄭舉其大者言之凡六官之屬亦多贏羨不皆六十小宰約舉大數耳詳彼疏云若今博士大史大宰大祝大樂屬太常也者漢書百官公卿表云奉常秦官掌宗廟禮儀景帝中六年更名太常屬官有太樂太祝太宰太史太卜太醫六令丞博士秦官掌通古今武帝建元五年初置五經博士引之者證官大小相屬之事引小宰職日以官府之六屬舉邦治一曰天官其屬六十是也者以此官屬舉邦治與彼文同故舉以相證六屬止引天官者撮舉六官之首餘不備詳云官職謂六官之職者職者主領之言卽敘官注云各有所職而百事舉也凡三百六十

職通謂之官職此舉其大者明之引小宰職曰以官府之六職辨邦治一曰治職二曰教職三曰禮職四曰政職五曰刑職六曰事職者亦證此官職辨邦治與彼文同云官聯謂國有大事一官不能獨共則六官共舉之者大事卽小宰六職之屬其事衆多則六官之屬相佐助共舉之依小宰云凡小事皆有聯則不必大事而後有聯此據六官共舉者言之故云大事其小事則不必合六官或異官或同官凡各屬共爲一事亦得爲聯儀禮燕食射聘諸篇衆官各執其事亦卽官聯之法故燕禮大射儀注謂庶子與膳宰樂正聯事卽其義也云聯讀爲連古書連作聯者長玉裁云漢以後連貫字皆用連不用聯故司農以今字易古字而又明之曰周秦古書連貫字皆用聯說文耳部曰

聯連也耳連於頰絲連不絕故從耳從絲此古書二字與凡言故書者不同案段說是也云聯謂連事通職相佐助也者王制注云連猶聚也謂連聚數官旁通它職互相佐助以合治一事周書大戒篇云連官集乘同憂若一荀子王制篇云職而不通則職之所不及者必隊蓋言官聯也藝文類聚職官部引胡廣漢官解詁云光祿大夫與博士俱以儒雅之選異官通職周官所謂官聯者也說與鄭同引小宰職日以官府之六聯合邦治一日祭祀之聯事二日賓客之聯事三日喪荒之聯事四日軍旅之聯事五日田役之聯事六日斂弛之聯事者亦證此官聯會邦治彼云合邦治會合義同云官常謂各自領其官之常職非連事通職所共也者謂各職當官常行之事大史云祭之日

執書以次位常是也每官各有其專領之職事不得相侵越官常主分與官職主合義正相反蓋以官職分言之著於書者爲官法布於行事者爲官常官尊者法與常皆備官卑者則惟奉行官常而已故宰夫八職一曰正掌官灋以治要二曰師掌官成以治凡三曰司掌官灋以治目四曰旅掌官常以治數明司以上皆布官法旅以下則惟守官常也云官成謂官府之成事品式也者謂各官府所掌之事已成則案其簿書文字攷其品數成式卽治會之事司會云以參互攷日成以月要攷月成以歲會攷歲成此官成正與口成月成歲成同義司書云凡稅斂掌事者受灋焉及事成則入要焉注云成猶畢也又注云成事猶彼云事成彼要貳亦卽官成之要會也然則鄭所謂成事

品式卽謂凡官事之有文籍可稽校案驗者小宰以比居簡稽等爲入成正是此義士師掌士之八成邦冢邦賦之等亦卽最會刑名之簿書王制云百官各以其成質於三官大司徒大司馬大司空以百官之成質於天子卽此官成也賈疏乃謂官自有成事品式依舊行之則是有司循行故事與官常殆無區別經注之義皆不如是矣引小宰職曰以官府之八成經邦治一曰聽政役以比居二曰聽師田以簡稽三曰聽閭里以版圖四曰聽稱責以傳別五曰聽祿位以禮命六曰聽取予以書契七曰聽賣買以質劑八曰聽出入以要會者亦證此官成經邦治與彼文正同後文云以官成待萬民之治注亦釋爲八成與此義同云官法謂職所主之法度官職主祭祀朝覲會同賓客

則皆自有其法度者此注用今字作法也謂邦之大事各有專法著其禮節名數若今會典通禮之屬一官秉之以授衆官使各依法共治之是謂官法若大司徒之地法小司徒之比法大司馬之戰法後世謂之司馬法縣師之縣法稍人謂之縣師之法皆是也鄭約舉此四者爲下引小宰職文起義耳引小宰職曰以法掌祭祀朝覲會同賓客之戒具者亦以彼云以法與此六法文同彼又云軍旅田役喪荒亦如之此注不及者亦文不備官刑謂司刑所掌墨辜劓辜宮辜剕辜殺辜也者據司刑五刑文辜古罪字凡經例用古字或作辜注例用今字皆作罪今司刑經並作罪而此注引乃作辜與例不合疑誤詳甸師及司刑疏賈疏云此是正五刑施於天下非爲官中之刑故後鄭不

從之也云官計謂三年則大計羣吏之治而誅賞之者據後文凡三年大計與歲計通爲官計先鄭略舉一隅爲釋也云立謂官刑司寇之職五刑其四曰官刑上能糾職者據大司寇文宰夫官刑注義同凡百官府黜陟廢置誅賞並以此爲斷與司刑五刑異也書舜典云鞭作官刑史記五帝本紀集解引馬融云官刑爲辨治官事者爲刑案鞭亦官府輕刑之一也賈疏云是專施於官府之中於義爲當也云官計謂小宰之六計所以斷羣吏之治者小宰云以聽官府之六計辨羣吏之治與此經官計文亦相會故鄭據彼爲歲計補先鄭義也以八則治都鄙一曰祭祀以馭其神二曰灋則以馭其官三曰廢置以馭其吏四曰祿位以馭其士五曰賦貢以馭其用六曰禮俗以馭其民七

曰刑賞以馭其威八曰田役以馭其衆都之所居曰鄙則亦法也與法則所用異異其名也都鄙公卿大夫之采邑王子弟所食邑周召毛聃畢原之屬在畿內者祭祀其先君社稷五祀法則其官之制度廢猶退也退其不能者舉賢而置之祿若今月奉也位爵次也賦口率出泉也貢功也九職之功所稅也禮俗昏姻喪紀舊所行也鄭司農云士謂學士疏以八則治都鄙者治畿內采邑之通法也凡三等采邑與公邑地相錯則公邑與都鄙治法當略同以其可互推故經不具也云一曰祭祀以馭其神者都家各有常祀又有山川等命祀大宗伯云乃頒祀于邦國都家鄉邑是也賈疏云采地之中祭祀宗廟社稷五祀下注云凡云馭者所以馭之內之於善則於祭祀之中宗廟先祖

則無可去取至社稷配食者若取句龍后稷上公有功是內之善也案頁說非也都鄙命祀亦以地之廣狹爵之尊卑爲差善地廣爵尊者所祀神亦尊而衆地狹爵卑者所祀神亦卑而少是祀命各隨疆陟而改以取其神也云二曰濫則以取其官者後經云乃施則于都鄙而建其長立其兩設其伍陳其殷置其輔卽都鄙之官府皆乘法則以治之也云三日廢置以取其吏者吏謂采邑有地吏治之吏則計其賢否以詔廢置也云八曰田役以取其衆者田役謂凡田獵起徒役也遂人注云役謂師田若有功作也蓋役事以師田爲最大故經起徒役以田謂之田役以發兵則謂之師役而功作之事亦該焉大宗伯軍禮云大田之禮簡衆也大役之禮任衆也故云以取其衆賈疏云謂采

地之中得田獵使役於民據此文則卿大夫得田獵而春秋左氏傳鄭大夫豐卷請田子產不許者彼常田之外臨祭取鮮唯人君耳大夫唯得常田故禮云大夫不掩羣亦是常田豐卷欲借取鮮故子產云唯君用鮮明大夫不合也 注云都之所居曰鄙者大司徒注義同釋名釋州國云鄙否也小邑不能遠通也案鄙卽都家居治之邑通界城言之則曰都鄙此猶上文邦國國卽邦之所居官府府卽百官所居也與遠人鄙鄙異互詳大司徒疏書蔡仲之命孔疏引馬融云距王城四百里至五百里謂之都鄙鄙邊邑也以封王之子弟在畿內者案此馬氏解詁佚文其說專據大小都而遺家邑又距王城四百里至五百里地兼有公邑亦不必盡爲都鄙其說殊未安故鄭不從也又

案此都鄙爲采邑與縣鄙爲公邑亦異凡采邑與公邑地相比經或合舉之宰夫謂之羣都縣鄙司士謂之都家縣鄙蓋四等公邑自向外其稍縣都三處並與三等采地錯居以其環繞國之邊竟故通謂之鄙所居爲公邑則爲縣鄙所居爲采邑則爲都鄙其爲鄙同而曰縣曰都則異鄙鄙屬於采地之主縣鄙屬於公邑之吏官制迥不同蓋都家爲內諸侯故亦立兩設伍略放邦國之制若縣鄙則天子使吏治之而領以縣師不得有兩卿五大夫之等也云則亦法也者爾雅釋詁云則法也大宗伯大史大司馬注義並同亦者冢上八法明文異義通云與法則所用異異其名也者賈疏云謂典法則三者相訓其義既同但邦國言典官府言法都鄙言則是所用處異故別言之其實義

通也劉台拱云都鄙亦有官府所以治之者亦猶王朝之入法也但施於都鄙則曰法則云都鄙公卿大夫之采邑王子弟所食邑者大司徒注同或師云以家邑之田任稍地以小都之田任縣地以大都之田任夏地注云家邑夫夫之采地小都卿之采地大都公之采地王子弟所食邑也案都鄙制井田小司徒井牧之法四井爲邑四縣爲都故大夫曰家邑公卿王子弟曰大小都鄙邑以大小異名散文亦通故經以都鄙岐家邑而注則以采邑食邑通釋大小鄙左隱元年傳有大都中都小都彼中都卽此小都而小鄙則卽此家邑明都邑通名不別矣采邑者禮運云天子有田以處其子孫大夫有采以處其子孫白虎通義京師篇云公卿大夫皆食采者示與民同有無也公羊襄

十五年何注云所謂采者不得有其土地人民采取其租稅爾
漢書刑法志顏注云采官也因官食地故曰采地說者不曉采
地之義因謂桑地云以種菜非也案何說是也家邑大小都三
等采地皆頒田邑以爲祿也凡公卿大夫貴戚有功德得世祿
者皆頒邑以爲祿是謂采邑唯疏族新進未得世祿者則賦田
徵粟以頒祿是謂祿田賈喪服疏引鄭志云天子之卿其地見
賜乃有是采地皆特賜也其在王子弟無官者雖無祿而得以
恩澤食邑采邑食邑食其田并主其邑治以家宰私臣又子孫
得世守之祿田不世守且僅食其田之租稅而不得主其邑各
就近屬鄉遂或公邑王官治之若司勳賞地附屬六鄉之比此
其異也凡命士有功德者或功臣之後亦間有采地祭法注云

置都立邑爲卿大夫采地及賜士有功者之地是也然士有采地者甚少且里數亦大減其餘則唯頒祿田而已故國語晉語云大夫食邑士食田明恆制士不得有采邑鄭釋三等采地止於大夫王制畿縣內三等國亦云其餘以祿士是也其不命之士及庶人在官者則又無祿而唯有稍食以祿與命相將不命則亦無祿也通言之祿田或亦謂之采采地及稍食或亦謂之祿散文不別也其外諸侯入仕者亦受采地以爲祿如其官爵故毛詩鄘風緇衣傳云諸侯入爲天子卿士受采祿公羊定四年何注亦云禮諸侯入爲天子大夫更受采地於京師是也凡三等采地制互詳小司徒載師疏賈疏云親王子母弟與公同處而百里次疏者與六卿同處而五十里次疏者與大夫同處

二十五里案禮記禮運云天子有田以處其子孫鄭注中庸云同姓雖恩不同義必同也尊重其祿位所以貴之不必授以官守然則王子母弟雖食采邑未必必有官有官則依公卿大夫食邑不假別言也云周召毛騶畢原之屬在畿內者左僖二十四年傳富辰云管蔡邲霍魯衛毛聃郟雍曹滕畢原豐郟文之昭也邢晉應韓武之穆也凡蒔那茅胙祭周公之廟也杜預春秋釋例土地名云周扶風雍縣東北周城也邵扶風雍縣東南有邵亭畢京兆長安縣西北原河內汝水縣西北原城毛聃闕鄭以此六國並王子弟食邑之在畿內者故引以爲證白虎通義京師篇謂天子太子食采百里與諸侯封同於經無證疑不足據云祭祀其先君社稷五祀者賈疏云案孝經大夫章不

云社稷則諸侯卿大夫也若王子母弟及三公稱諸侯者五廟
五祀三社三稷故云祀先君社稷五祀也詒讓案先君社稷五
祀舉都鄙之常祀而言都宗人注云都或有山川及因國無主
九皇六十四民之祀彼皆非常祀故此注不及也云法則其官
之制度者都鄙亦有兩卿五大夫等官官各有制度是謂法則
也賈疏云謂宮室車旂衣服之等皆不得僭也云廢猶退也退
其不能者者說文广部云廢屋頓也引申之人罷棄屏退亦謂
之廢檀弓注云廢去也土冠禮注云退去也是廢退義同謂退
去其不能者不復用也云舉賢而置之者廣雅釋詁云置立也
鄭以此經廢置對文廢爲退去其不能者明置爲舉其賢者而
置立之於位也云祿若今月奉也者釋文云奉本或作俸案俸

卽奉之俗國語楚語章注云祿奉也廣雅釋詁云稟奉稟祿也
漢書高后紀列侯幸得餐錢奉邑顏注引韋昭云粟米曰奉積
漢書百官志載百官受奉自大將軍三公至斗食佐史奉並云
月若干斛所謂月奉也賈疏云古者祿皆月別給之漢之月奉
亦月給之故云若今月奉也沈彤云宮正之會稍食宮伯之均
秩皆以月終則給祿當亦然蓋漢亦承周法也云位爵次也者
謂爵秩尊卑之次卽後文長兩伍殿輔各以爵等尊卑相領屬
是也云賦口率出泉也者後注同賈疏云下文九職九賦職賦
相繼而言故知賦卽九賦口率出泉也釋文引于云賦上之所
求於下案于說蓋通諸賦稅言之是也鄭意蓋以都鄙亦有口
泉賈小司徒疏引鄭志說都鄙無口賦者謂其不入於王非謂

自全不征也實則後經九賦非口泉鄭說殊不足據詳後疏云
貢功也者廣雅釋詁同說文貝部云貢獻功也丁晏云易繫辭
傳六爻之義易以貢釋文苟作功古貢功通用故鄭訓爲功云
九職之功所稅也者賈疏云亦約下文言九賦上言九職九職
任之九賦斂之是以大府云九賦九功九功卽九職之功故鄭
於此以貢爲功是九職之功出稅也論議案後文別有九貢致
邦國之用知此貢非彼九貢者九貢出於諸侯非都鄙所出故
以貢爲九職之稅也釋文引干云貢下之所納於上說與鄭同
云禮俗昏姻喪紀舊所行也者土均注云禮俗邦國都鄙民之
所行先王舊禮也管子立政篇云藏於官則爲法施於國則成
俗曲禮云君子行禮不求變俗祭祀之禮哭泣之位皆如其國

之故謹守其法而審行之賈疏謂若士冠禮若不醴醑用酒是其一隅也今案禮俗當分爲二事禮謂吉凶之禮卽大司徒十二教陽禮教讓陰禮教親之等是也俗謂土地所習與禮不同而不必變革者卽十二教之以俗教安彼注云謂土地所生習是也土均小行人禮俗義並同鄭賈合爲一失之鄭司農云土謂學士者明此士對官吏而言則非上中下土國語周語韋注云土講學道藝者也學士卽士之養於學者見樂師大胥小胥職都鄙亦有學以養士其賢能者則選爲兩卿五大夫等其尤賢者亦得升於王朝皆得受祿位也以八柄詔王馭羣臣一曰爵以馭其貴二曰祿以馭其富三曰予以馭其幸四曰置以馭其行五曰生以馭其福六曰奪以馭其貧七曰廢以馭其罪八

曰誅以馭其過柄所秉執以起事者也詔告也助也留謂公侯伯子男卿大夫士也詩云誨爾序爵言教王以賢否之次第也班祿所以富臣下書云凡厥正人既富方穀幸謂言行偶合於善則有以賜予之以勸後也生猶養也賢臣之老者王有以養之成王封伯禽於魯曰生以養周公死以爲周公後是也五福一曰壽奪謂臣有大罪沒入家財者六極四曰貧廢猶放也舜殛鯀于羽山是也誅責讓也曲禮曰齒路馬有誅凡言馭者所以馭之內之於善疏以八柄詔王馭羣臣者與內史司士爲官職也賈疏云大宰以此八柄詔告於王馭羣臣餘條皆不言詔獨此與下八統言詔王者餘並羣臣職務常所依行歲終致事乃考知得失此乃王所操持王不獨執羣臣佐之而已故特言

詔也云一日爵以取其貴二曰祿以取其富者爵祿爲予奪置廢之本故首舉之司士云以德詔爵以功詔祿以能詔事以久真食此不言食者祿亦可以該食也云四曰置以取其行者賈疏云有賢行則置之於位故云以取其行云七日廢以取其罪者罪疑當作舉詳前疏云八曰誅以取其過者誅卽內史之殺爲罰之最重者故以次於末案此經八者唯爵祿爲賞罰通法以下六者則予置生爲賞之事奪廢誅爲罰之事賞罰文別而敘次則正相對若內史八枋則自爵祿之外以予奪置廢生殺皆賞罰自相對爲文故與此文次不同義各有當也自鄭誤解生爲養老誅爲薄責賈氏遂強爲之說謂奪重於誅又謂內史變誅言殺與此義殊並不可通今無取焉 注云柄所秉執以

起事者也者說文木部云柄柯也重文棟或从秉是柄木爲斧
柯之名以斧柯爲人所執引申之凡有所秉執者皆謂之柄左
昭二十三年傳云又執民柄杜注云賞罰爲民柄莊子釋文引
司馬彪云棟威權也此入者亦王所秉執威權賞罰之事故謂
之入柄也禮運云禮者君之大柄也注云柄所操以治事柄秉
聲類亦同內史又借枋爲之管子小匡篇管子曰昔者聖王之
治其民也謹用其六秉如是而民情可得而百姓可御桓公曰
六秉者何也管子曰殺生貴賤貧富此六秉也國語齊語載其
文作六柄案彼六柄御百姓生貴貧富與此同殺卽誅賤卽廢
也此取琴臣增子置爲入柄義亦略同云詔告也助也者說文
言部云詔告也爾雅釋詁云詔助勸也經例凡言詔者並以言

語詔告相左助之謂詔訓告大卜大僕注亦同云爵謂公侯伯子男卿大夫士也者喪服傳注云爵謂天子諸侯卿大夫士也此入柄據羣臣而言故上不及天子爵下及士者王制云王者之制祿爵公侯伯子男凡五等諸侯之上大夫卿下大夫上士中士下士凡五等鄭彼注云爵秩次也又士冠禮記云以官爵人德之殺也死而謚今也古者生無爵死無謚鄭彼注云今謂周衰記之時也古謂殷殷士生不爲爵死不爲謚周制以士爲爵死猶不爲謚耳下大夫也又大行人注云爵者四孤卿大夫士也此不言孤者孤亦冢卿也白虎通義篇云爵有五等以法五行也或三等者法三光也或法三光或法五行何質家者據天故法三光文家者據地故法五行合文嘉曰殷爵三等周爵

五等各有宜也王制曰王者之制祿爵凡五等謂公侯伯子男此據周制也服爵三等謂公侯伯也又云公卿大夫者何謂也內爵稱也內爵稱公卿大夫何爵者盡也各量其職盡其才也何以知士非爵禮曰四十強而仕不言爵爲士至五十爵爲大夫何以知卿爲爵也以大夫知卿亦爵也何以知公爲爵也春秋傳曰諸侯四份諸公六份合而言之以是知公卿爲爵內爵所以三等何亦法三光也所以不變質文何內者爲本故不改內也案小宗伯云賜卿大夫士爵則賓又職喪云掌諸侯之喪及卿大夫士凡有爵者之喪則士得爲爵經有明文白虎通謂周士非爵與此經義異鄭所不從云詩云誨爾序爵言教王以賢否之次第也者誨爾序爵大雅桑柔文鄭彼箋亦云教文以

次序賢能之爵與此注同云班祿所以富臣下者韓非子解老篇云祿也者人之所以持生也凡食梨田邑通謂之祿皆所以富賤臣下故經云以取其富也引書云凡厥正人既富方穀者賈疏云尙書洪範文厥其也方道也穀善也凡其正直之人既以爵祿富之又以善道接之引之者證以取其富也案賈說同馮孔傳鄭書注今佚不知與彼同否以此注引彼文推之疑鄭本釋穀爲祿也云幸謂言行偶合於善則有以賜予之以勸後也者呂飛鵬云左傳曰善人富謂之幸賜予雖未能取富亦富之漸也故云予以取其幸詒讓案說文天部云彳吉而免凶也幸卽彳之隸變公羊宣十五年何注云幸僥幸也鄭意幸若僥幸恩澤之言謂諸臣本無功德以言行偶合於善則王亦有以

賜予之以廣恩澤並以爲後人勸也江永云凡賜予皆爲子圭
瓚車馬衣服旌旗弓矢鉞鉞虎賁皆予之大者幸與福一例得
予則爲幸得生則爲福案江說是也注義未咳云生猶養也者
前注同劉敞云生以取其福福者其人本坐死以親故功貴者
議而免之是其福矣楚誅鬬氏而免箴尹克黃改命曰生則此
類也江永云生謂以八議生之案劉江說是也易戒李光坡李
鍾倫蔣載康俞樾說並同經以生對誅殺爲文則正謂保全臣
下使究其年壽耳鄭以養爲訓求之太深於義轉遠矣云賢臣
之老者王有以養之者謂老者筋力衰劣故王養以福之云成
王封伯禽於魯曰生以養周公死以爲周公後是也者賈疏云
此並文公十三年公羊傳文彼云周公拜乎前魯公拜乎後曰

生以養周公死以爲周公主此云爲周公後不同者鄭以養言之詎讓案主後辟義並近疑嚴頴文異此引之者證生養義同云五福一曰壽故曰以馭其福也云奪謂臣有大罪沒入家財是五福一曰壽故曰以馭其福也云奪謂臣有大罪沒入家財者者說文奪部云奪手持佳失之也又支部云斂彊取也此奪卽斂之借字淮南子本經訓高注云奪取也臣有大罪沒取其家財入官亦謂之奪劉敞云奪者削其田邑祿職惠士奇云左傳莊十九年惠王奪子禽視蹠與詹父田而收庶夫之秩奪田收秩所謂奪以馭其資也案劉惠說是也鄭鍔說同此奪對予爲文亦謂奪其田祿耳非必盡沒其家財也云六極四曰貧者賈疏云亦洪範文引之者證大罪奪之家資以馭其資也云廢

猶放也者此引申之義小爾雅廣言云放棄也莊子釋文引李
頤云廢棄也是廢放義同說文支部云放逐也左傳宣元年杜
注云放者受罪黜免宥之以遠桀經以廢對置爲文亦止謂廢
黜不令在位耳前注云廢猶退也與此義最合此注放棄之說
亦似太深也云舜殛鯀于羽山是也者葉鈔本釋文殛鯀作極
鮫案說文無鮫字今書舜典亦作殛鯀于注例當作於各本並
誤史記集解引馬融書注云殛誅也羽山東裔也祭法孔疏引
鄭志答趙商云鯀非誅死鯀放居東裔至死不得反於朝禹乃
其子也以有聖功故堯興之君以爲殺人父用其子而舜禹何
以忍乎而尙書云鯀則殛死禹乃嗣興者箕子見武王誅紂今
與已言懼其意有慙德爲說父不肖則罪子賢則舉之以滿武

王意也據鄭志則鄭以爲殛放與馬說不同故引以證此廢爲放之義也殛當依宋本釋文作極段玉裁云洪範殛則殛死釋文殛本又作極左氏昭七年傳堯殛鯀羽山釋文殛亦作極然則堯典殛鯀亦是極字之假借殛之本義訓爲殊殊之訓死也一曰殛也殛之所假借爲極極窮也孟子言極之於所往是也云誅責讓也者司牧注云誅誅責也義與此同廣雅釋詁云讓誅責也黃以周云鄭意過與罪對罪重而過輕故誅訓責讓引曲禮曰齒馬路有誅者鄭彼注云路馬君之馬齒欲年也誅罰也賈疏云引之者證誅爲言語責之非有刑罪也內史變誅言殺欲見爲惡不止則殺之劉敞云誅者殺也過當作罰譬之誤耳有取其福則有取其禍矣福稱生則禍稱誅矣八柄者先敘

賞而後言罰賞則先重罰則後重故誅最後言也內史貳八柄
爵祿廢置予奪生七者皆同而其一則爲殺殺則誅也俞樾云
鄭必以責讓釋誅者疑過失但當責讓不當誅殺耳不知此過
字當讀爲禍古禍過通用漢書公孫弘傳諸常與弘有隙雖陽
與善後竟報其過史記過作禍是其證也因段過爲禍鄭君遂
失其解賈見內史八柄變誅言殺不知其文異義同而曲爲之
說胥失之矣案劉俞說是也王安石王昭禹姜兆錫說並同此
經凡言誅雖有訓責讓者而此職之誅以內史譴之則不得與
殺義岐迂鄭賈說並未允云凡言馭者所以馭之內之於善者
此總釋上下兩章也馭釋文作馭案說文彳部云御使馬也重
文馭古文御从又从馬又馬部云馭馬馭也重文馭古文馭从

支隊卽敵之隸變大戴禮記盛德篇云德法者御民之術勅也
吏者轡也刑者策也天子御者內史太史左右手也晏子春秋
諫下篇云禮者所以御民也壽者所以御馬也蓋使馬之策策
敵之使行引申之凡有所敵使皆曰御經例凡言馭者並有予
奪勸懲之誼入則入柄及下入統皆所以令臣民強之爲善猶
孟子梁惠王篇云驟而之善故並以馭爲文也以入統詔王馭
萬民一曰親親二曰敬故三曰進賢四曰使能五曰保庸六曰
尊貴七曰達吏八曰禮賓統所以合牽以等物也親親若堯親
九族也敬故不慢舊也晏平仲久而敬之賢有善行也能多材
藝者保庸安有功者尊貴尊天下之貴者孟子曰天下之達尊
者三曰爵也德也齒也祭義曰先王之所以治天下者五貴有

德貴貴貴老敬長慈幼達吏察舉勤勞之小吏也禮賓賓客諸
侯所以示民親仁善鄰疏以入統詔王馭萬民者此親故賢能
庸賈吏賈入者所賅甚廣不止羣臣故經以取萬民言之賈疏
謂民與在上同有此入事故以萬民爲主則保庸達吏諸事非
萬民所得與於義難通不可從 注云統所以合率以等物也
者前注云統猶合也廣雅釋詁云率連也此入統並所以連合
上下敘其等差故云合率以等物也魏氏羣書治要注云統所
以總物者也義與鄭同賈疏云物事也謂率下民使與上合皆
有以等其事上行之下效之也云親親若堯親九族也者賈疏
述注若上有謂字書堯典云以親九族書釋文引馬鄭注云九
族上而高祖下至玄孫凡九族云敬故不慢舊也者大司寇注

云故謂舊知也云晏平仲久而敬之者論語公冶長篇文引之者證敬故之事云賢有善行也能多材藝者孔繼汾謂有善行也也疑當作者阮元校同案詩大雅烝民孔疏引此注作賢有善行者也能多材藝者也疑今本二句各脫一字內則注云賢猶善也說文能部云能熊屬能獸堅中故稱賢能而強壯稱能傑也鄉大夫云三年則大比攷其德行道藝而興賢者能者鄭彼注云賢者有德行者能者有道藝者小司寇議賢誠能注義亦同大司徒十二教又云以世事教能注謂士農工商之事是賢屬德行能包道藝及四民之事故鄭云有善行多材藝善行與德行義亦同云保庸安有功者者地官敘官注云保安也又大司徒注云庸功也司勳云民功曰庸云尊貴尊天下之貴者

者廣雅釋言云貴尊也天下人所尊尚者王亦尊之引孟子曰
天下之達尊者三曰爵也德也齒也者公孫丑篇文引以證尊
貴之義彼文云天下有達尊三爵一德一齒一趙注云三者天
下之通尊也引祭義曰先王之所以治天下者五貴有德貴貴
貴老敬長慈幼者證尊貴之義貴有德卽孟子之尊德也貴貴
卽尊爵也貴老卽尊齒也敬長慈幼二者牽連引之於經無所
當也江永云尊貴鄭引孟子三達尊及祭義證之則貴中兼有
爵齒德案江說是也賈疏曰孟子爵德當經進賢使能又以祭
義之貴有德爲經之舉賢貴貴爲經之尊貴非鄭引彼二書之
惜云達吏察舉勤勞之小吏也者廣雅釋詁云達通也說文一
部云吏治人者也後注云吏小吏在鄉邑者大宗伯一命受職

注云始見命爲正吏王之下士一命是命士及不命之士並得稱吏賈子階級篇云古者聖王制爲列等內有公卿大夫士外有公侯伯子男然後有官師小吏施及庶人彼官師小吏蓋專指中下士及不命之士言之與此注義亦通也小吏得秩卑猥有勤勞者則亦察舉之俾通於上故謂之達楹弓云公之喪諸達官之長杖注云謂君所命蓋周制公孤上卿皆以世族爲之其大夫士以下則多參用庶族故小吏積勞亦得馴至達官也此吏與宰夫之羣吏義同詳後疏又此八統與下司寇八辟目正相應達吏當彼議勤之辟鄭云勤勞之小吏蓋隱據彼經爲釋此達吏與進賢使能異賢能者皆有才德殊異於衆故因而進之使之達吏則不必有才德但以任事年久積累勤勞錄而

通之蓋以校計年勞振拔困滯卑官平進與後世計資格相似
故司士云以德詔爵以功詔祿以能詔事以久奠食彼德功能
卽此進賢保庸使能久卽此勤勞之小吏明勤勞必年久乃著
此職與小司寇司士三經義實相通貫也云禮賓賓客諸侯者
卽後文云以禮待賓客之治是也凡諸侯來朝會王待以不純
臣故謂之禮賓小司寇八辟八曰議賓之辟注云謂所不臣者
三恪二代之後與彼注專據賓恪諸侯爲釋義與此注小異云
所以示民親仁善鄰者釋馭萬民而有賓客諸侯之事賈疏云
親仁善鄰左氏隱六年陳五父之辭親仁善鄰則當禮賓故引
以證禮賓也以九職任萬民一曰三農生九穀二曰園圃毓草
木三曰虞衡作山澤之材四曰藪牧養蕃鳥獸五曰百工飭化

八材六曰商賈阜通貨賄七曰嬪婦化治絲枲八曰臣妾聚斂
疏材九曰閒民無常職轉移執事任猶俸也鄭司農云三農平
地山澤也九穀黍稷秫稻麻大小豆大小麥八材珠曰切象曰
瑾玉曰珠石曰磨木曰刻金曰鍍革曰剝羽曰析閒民謂無事
業者轉移爲人執事者今傭賃也玄謂三農原隰及平地九穀
無稅大麥而有梁苽樹果蔬曰圃園其樊也虞衡掌山澤之官
主山澤之民者澤無水曰藪牧牧田在遠郊皆畜牧之地行曰
商處曰賈阜盛也金玉曰貨布帛曰賄嬪婦人之美稱也堯典
曰釐降二女嬪于虞臣妾男女貧賤之稱晉惠公卜懷公之生
日將生一男一女男爲人臣女爲人妾生而名其男曰圉女曰
妾及懷公質於秦妾爲宦女焉疏材百草根實可食者藟不熟

曰謹疏以九職任萬民者任民以制國用之法也黃以周二云九職者任夫力也任夫力以興功故九職亦謂之九功鄉大夫言國中自七尺以及六十野自六尺以及六十有五皆征之是九職任民之法國語云任力以夫而議其老幼謂此閭師言任農貢九穀以至任虞貢其物各以其所有穀物以充力征是九職徵賦之法司會云以九功之法令民職之財用謂此又云周禮民之受田地而不耕毛者出里布屋粟民之不受田地而無職事者出夫家之征皆示罰也不以爲正稅至孟子言廛無夫里之布則知戰國時以成周所以罰情民間民之征爲經常之賦矣周初征民之常經祇有九職九賦二法而其國用之所仰給者祇在九賦之一征故九賦曰九正也九職力征祇以充府庫

以備非常之需而里布夫家之征特以禁閒惰之民尤非國用之所待給也周禮九職中有貢九穀貢布帛二職農貢九穀不出布帛贖貢布帛不出九穀非一人並征之均人職云凶札則無力征無財賦則經常之征止有力賦兩稅可知柴黃說是也穀梁成元年傳云古者立國家百官具農工皆有職以事上桓寬鹽鐵論本議篇云古者之賦稅於民也因其所工不求其拙農人納其穫女工効其功是有民則有職有職則有功九職者謂任民以職事其目有九也民各以其力所能受職而貢其功以爲賦稅於大府內府司會謂之九功閭師謂之八貢大府謂之萬民之貢以充府庫蓋任民之貢不爲正賦其率亦甚輕故惟實府庫以其餘羨之用下文九賦地稅則爲賦法之正大府以

共九式之正法用二者迥異鄭以此爲正賦對彼爲口賦失之遠矣又案此經力征役征亦分二法任力者民以其力自任其賦事而共貢均人所謂均地賦是也任役者民以其力任國事共軍旅會同及城道之役亦通謂之力征均人所謂均人民牛馬車犖之力政又云豐年則公旬用三日焉是也力征計戶任夫猶後世之丁稅自老疾及惰民外無不受職共貢役征雖亦計戶任夫而大役不必常有有事受役歲不過三日無事則免不以爲歲征之常科是其異也互詳鄉大夫均人疏云一日三農生九穀者說文農部云農耕也閻師云任農以耕事貢九穀是也民事以農爲尤重故九職亦以此爲首云二曰國國毓草木者閻師云任圃以樹事貢草木是也大司徒注云育生也疏

育古今字云三日虞衡作山澤之材者閭師云任衡以山事貢其物任虞以澤事貢其物後分爲二以充八貢此則合爲一職其事同也山澤之材卽後八材凡山澤所出者皆是作謂蕃聚興發之以給用也云四曰藪牧養蕃鳥獸者閭師云任牧以畜事貢鳥獸是也大司徒注云蕃蕃息也云五日百工飭化八材者閭師云任工以飭材事貢器物是也考工記總敘云或審曲面勢以飭五材以辨民器亦謂此也賈疏云謂百種巧作之工所爲事業變化八材爲器物飭之而已飭勤也勤力以化八材案考工記飭五材先鄭注謂飭爲治此飭化與下文化治義蓋略同說文力部云飭致堅也謂治八材極其堅致化磬槩以成器物也賈訓飭爲勤未靖互詳考工記疏云六曰商賈阜通貨

賄者閭師云任商以市事貢貨賄是也考工記總敘云或通四方之珍異以資之亦謂此也云七日嬪婦化治絲枲者閭師云任嬪以女事貢布帛是也化治謂練絲擘麻化爲綫縷織成布帛故考工記總敘云或治絲麻以成之枲麻義同管子輕重甲篇有絰絲之籍孟子盡心篇有布縷之征亦謂此也云八曰臣妾聚斂疏材者此民家所養有常主者以其賤故無貢也云九曰閒民無常職轉移執事者自三農至臣妾皆有常職此閒民不任受職止任與人僱賃而卽以轉移執爲職閭師云凡無職者出夫布是也江永云九職任萬民者任之以生財大學所謂生之者衆也九職外有學士習道藝巫醫卜筮守世事府史胥徒服公事皆非所以生財故不在九職之數而大司徒并之爲

十有二天下之民盡此矣九職生財卽閭師之八貢與無職者之夫布然亦稍有不同九職合虞衡爲一而有臣妾聚斂陳材閭師無疏材之貢而分虞衡爲二亦得九大府所謂九功者也案江說是也大司徒頒職事十有二于邦國其稼穡樹藝作材阜蕃飭材通財化材斂材生材九者與此正同而別有學藝世事服事三者此九職無之者大宰主財用之總要彼三者皆無力征非財用所出故不及也 注云任猶傳也者前注同賈疏云傳謂立也使民之業得立鄭司農云三農平地山澤也者據角人云掌以時徵齒角凡骨物于山澤之農羽人云掌以時徵羽翮之取于山澤之農又掌葛云以時徵絺綌之材于山農徵草貢之材于澤農故以山農澤農與平地之農爲三也彼山澤

皆曰農又皆出物以當邦賦明生九穀爲其本職而後鄭不從者蓋以山澤生穀之地甚少故易之云九穀黍稷稻麻大小豆大小麥者說文禾部云穀續也百穀之總名覆桑也五穀之長稷稷之黏者稻稌也黍部云黍禾屬而黏者也以大暑而種故謂之黍麻部云麻泉也未部云未豆也又艸部云荅小豆也麥部云麥芒穀廣雅釋艸云大麥麩也小麥麩也大豆未也小豆荅也素先鄭所說九穀今惟稻麥豆名與古同麻卽蓬人之黃米以後醫書謂之火麻人詳彼疏其稷今謂之高梁稷卽高粱之黏者也黍卽今北方之稷其米爲黃米南方或無其穀後人說稷黍二穀者多淆亂莫辨故爾雅釋草黍稷郭注云今江東人呼粟爲黍左傳桓二年孔疏引舍人云稷粟也齊民要術

引孫炎說同國語音語章注云稷梁也本草陶弘景注云汜勝
之種植書無稷有梁是稷依此諸說是西漢以後並以九穀之
梁家稷稷之名故先鄭此注舉稷而遺梁其釋鍾氏丹稷亦以
爲赤粟粟卽梁也蘇恭唐本草謂稷卽稌則又以九穀之黍與
稷相混唯程瑤田辨黍稷最爲精析今依用之程氏說黍云說
文黍禾屬而黏者也稷稌也禾屬而黏者黍則禾屬而不黏者
糜對文異散文則通稱黍行雅在黑黍內則飯黍稷稻梁白黍
黃粱鄭注黍黃黍也經傳中見黑黍白黍黃黍不見黑糜白糜
黃糜是以知散文通稱黍也原一曰稌飯用米之不黏者黏者
釀酒及爲餠養醢粥之屬故籩簋實糜爲之又名曰稌不黏者
有糜與稌之名於是黏者得專稱黍矣黍有黑黍白黍赤黍而

獨無黃黍唯糜則類多黃者然則黃黍者糜也稷也內則直呼曰黍今人乃以爲稷豈不繆哉今山西人無論黏與不黏統呼之曰糜黍又曰黃粱之名呼黏者曰軟黃粱不黏者曰硬黃粱太原以東則呼黏者爲黍子不黏者爲糜子武邑人亦呼之曰黍子糜子而呼黍之米曰黃米糜之米曰稷米北方稷稌音相邇稌奪稷名承譌日久論者因謂稷稌一物而以黏不黏分黍稷失之矣說文黍稌互釋稷齋互釋其爲二物甚明又說稷云稷齋大名也黏者爲秫北方謂之高粱或謂之紅粱通謂之秫秫又謂之蜀黍蓋稌之類而高大似藍月令孟春行冬令首種不入鄭注舊說首種謂稷今以北方諸穀播種先後考之高粱最先粟次之黍糜又次之然則首種者高粱也管子書日至七

十日陰凍釋而藝稷百日不藝稷聞之鳳陽人云彼地種高粱
最早諺云九裏種伏裏收管子日至七十日今之正月也余旁
行南北氣候不齊曾未聞有正月藝梁粟者至安徽藝粟遲至
五六月烏在其爲日至百日不藝也而高粱早種於正月者則
南北並有之故曰稷爲首種諸穀惟高粱最高大而又先種謂
之五穀之長不亦宜乎良和詩箋云豐年之時雖賤者猶食黍
疏云賤者食稷耳大戴禮無祿者稷饋稷饋者無尸注云庶人
無常牲故以稷爲主今北方富室食以粟爲主賤者食以高粱
爲主是賤者食稷而不可以冒粟爲稷也又云鄭眾班固服虔
孫炎韋昭郭璞之流其言稷者類皆冒粟之名陸德明孔穎達
賈公彥顏師古並承襲前人之說無能正之者陶通明注本草

言書多云稷與黍相似然觀其所著書其所謂與黍相似者猶
是指粟言不謂稷在黍中也至唐蘇恭誤解陶氏與黍相似之
云乃曰本草載稷不載黍因以稷爲稷而謂與黍爲秬秠破冒
粟爲稷之非轉致強分黍爲二穀不知黍中之有稷猶稷中之
有秬稻中之有秠也一穀自兼二粒安可以黍之不黏者而冒
爲稷乎厥後陳藏器因之謂稷如黍黑色米蘇頌則直謂黏者
爲秠不黏者爲黍而孟詵寇宗奭之徒亦踵蘇恭之繆而與蘇
頌相反所見不同均之爲誤也案程說是也云八材珠曰切象
曰璫玉曰珠石口磨木曰刻金曰鏤革曰剝羽曰析者說文木
部云材木挺也引申之凡可用之物皆曰材爾雅釋器云金謂
之鏤木謂之刻骨謂之切象謂之璫玉謂之珠石謂之磨郭注

云六者皆治器之名此卽先鄭所據案珠曰切釋器珠作骨賈
疏謂司農讀爾雅本作珠象曰瑳釋器瑳作礎王充論衡量知
篇亦云骨曰瑳與此注同革曰剝者說文刀部云剝裂也皮部
云剝取獸革者謂之皮羽曰析者廣雅釋詁云析分也司常云
析羽爲旌此二者釋器無文先鄭以意增之以足八材之數也
江永曰八材先鄭本爾雅珠象玉石木金革羽遺搏埴之工且
珠之用少當不特設一工宜以曲禮土金石木獸草之六材而
益以玉羽案江說亦通云閒民謂無事業者轉移爲人執事者
左傳昭五年杜注云閒暇也此民無常職事轉移無定與人爲
役故謂之閒民說文辵部云遂遷徙也移卽遂之段字江永云
閒民備力之人執事於農工商賈圃牧虞衡之家轉徙無常卽

閔師之無職者云若今備貸也者說文貝部云貸庸也史記范
雎傳云雎曰臣爲人庸賃一切經音義引孟氏云備役也謂役
力受直曰傭玉篇貝部云賃借傭也案詩周頌載芟俟疆侯以
後鄭彼箋云以謂閒民今時庸賃也與先鄭此注說同云玄謂
三農原隰及平地者大司徒注云高平曰原下濕曰隰原隰平
地卽王制孔疏引五經異義左氏說所謂原防隰卑衍沃也後
鄭以原卑於山隰高於澤於生穀爲宜故用易先鄭義其一爲
平地則同賈疏云原及平地可種黍稷之等隰中可種稻麥及
菰也惠士奇云三農者上農中農下農也管子揆度篇曰上農
挾五中農挾四下農挾三小司徒上地中地下地分爲三者以
此案惠說亦通云九穀無菰大麥而有梁菰者此破先鄭說也

釋文云菰字或作菰案卽菰之俗後鄭蓋依先鄭膳夫六穀注說而加麻及大小豆也賈疏云以菰爲赤粟與稷黏陳爲異故去之大麥所用處少故亦去之必知有梁菰者下食醫云凡饑食之宜有犬宜梁魚宜菰故知有梁菰也且前七穀之中依月令麥屬東方黍屬南方麻屬西方豆屬北方稷屬中央故知有稷黍麻豆麥稻與小豆所用處多故知有稻有小豆也必知有大豆者生民詩云藝之戎菽戎菽大豆后稷之所殖故知有大豆也案賈疏以菰爲赤粟卽沿先鄭鍾氏注說之誤梁者今北方之小米也南方謂之粟米說文米部云梁米名也米與實也肉部云粟嘉穀實也禾部云禾嘉穀也程瑤田云禾粟之有稷者也其實粟也其米梁也史記索隱載三蒼云梁好粟其證也

內則言飯有粱又有黃粱是粱者白粱也今北方猶呼粟米之
純白者曰粱米賈公彥舍人疏乃云正言粱卽柔也夫柔稷也
以粟爲柔是以粟爲稷此說蓋據郭璞爾雅注乃漢世訓詁相
承之語孔穎達於曲禮稷曰明柔亦釋之曰稷粟也蓋承其誤
矣汜勝之種植書不見稷而云粱是稷也先鄭注鍾氏丹稷爲
赤粟其注九穀亦有稷無粱然於六穀則又稷粱並錄韋昭注
國語直曰稷粱也顯然與禮經相畔矣及其注百穀之屬於稷
之外又復舉粱稷粱二穀見於經者判然兩事不知秦漢以後
何以謂二穀而一之如呂氏春秋審時篇舉粱而逸稷其十二
紀中所載又舉稷而逸粱月令及淮南子皆因於呂紀文亦同
之淮南子天文墜形主術三訓凡四見諸穀之名皆不見稷字

直謂稷卽粱也後鄭知稷粱之不可以相無也而改司農九穀之說識卓矣又云食醫宜稌宜黍宜稷宜粱宜麥宜苽見稷則不見秫內則菽麥蕡稻黍粱秫唯所欲見秫則不見稷故司農說九穀稷秫並見後鄭不從入粱而去秫以其闕粱而秫重稷也案程說是也段玉裁劉寶楠說並同至九穀之說二鄭而外亦多舛異如齊民要術引汜勝之種植書以爲稻米黍麻秫小麥大麥小豆大豆案據本草陶注汜氏所謂秫者卽粱則所謂米者蓋卽指粱之不黏者此與先鄭義略同唯以米易稷耳崔豹古今注又以爲黍稷稻粱三豆二麥其說豆有三不知埴指何種此諸說並與疾醫六穀不合不可以說此經苽卽彫胡詳膳夫疏云樹果苽曰圓圓其樊也者載師注義同賈疏云此圓

卽載師所云塲圃任園地謂在田畔樹菜蔬果蒞者又云案漢書食貨志云田中不得有樹用妨五穀瓊慮樹桑麻菜茹瓜瓠果蒞應劭曰木曰果草曰蒞張晏曰有核曰果無核曰蒞臣瓊曰木上曰果地上曰蒞劭與瓊義同晏獨異也案載師云塲圃任園地則圃在園中故鄭云樹果蒞曰圃圃其樊是以詩云折柳樊圃謂與圃爲樊樊其蕃蔽也詒讓案毛詩齊風東方未明傳曰圃菜園也又將仲子傳云園所以種木也說文口部云種菜曰圃圃所以樹果也一切經音義引三蒼論語子路篇集解引馬融說並略同據載師云塲圃任園地則不得如毛許說以菜木分屬圃園故鄭易之依鄭義圃樹果蒞句師注云果桃李之屬蒞瓜蒞之屬則云樹果蒞可通包菜木圃之四畔爲藩籬

則謂之園說文爰部云株藩也樊卽株之段字爾雅釋言及詩東方未明傳並云樊藩也詩疏引孫炎云樊園之藩也與鄭義同至梁梁宣十五年傳云古者公田爲居井竈蕪韭盡取焉范注云損其廬舍家作一園以種五菜外種麻桑以備養生送死此謂井田之法於公田中廬舍之旁隙地爲園以種菜木與此園圃專爲毓草木之地迥異詳載師疏云虞衡掌山澤之官主山澤之民者者賁疏云案地官掌山澤者謂之虞掌山林者謂之衡則衡不掌山澤而云虞衡作山澤者欲互舉以見山澤亦有山林之材也鄭旣云虞衡掌山澤之官復云山澤之民者欲見虞衡是官非出稅之人以山澤之民無名號故借虞衡之官以表其民所任者任山澤之萬民山虞澤虞之官非是以任出

稅之物但主山澤之民也案賈說是也山林川澤之民屬於虞
衡故卽名其民賦曰虞衡亦通謂之虞史記貨殖傳引周書云
農不出則乏食工不出則乏其事商不出則三寶絕虞不出則
財匱少財匱少而山澤不辟矣云澤無水曰藪藪者地官敘官澤
虞有大澤大藪中澤中藪小澤小藪注云澤水所鍾也水希曰
藪水希卽是無水華嚴經音義引韓詩傳云澤中呼禽獸居之
曰藪無水故可居禽獸也蓋析言則藪與澤別統言之則藪澤
亦通故職方氏藪澤注云大澤曰藪是也云牧牧田在遠郊者
據載師云以牧曰在遠郊之地彼注云牧田畜牧者之家所受
田也又鄭司農云牧田者牧六畜之田後鄭彼注不從先鄭而
此注乃正從先鄭彼注義當以此注爲正詳彼疏云皆畜牧之

地者牧爲蕃畜鳥獸之專地其地甚廣載師所任旣別爲區域
數近水澤薦草蕃衍則亦可就之畜牧故經亦舉之閭師入貢
止云任牧不及數者文省也管子國準篇云蒞禁之壤非五穀
之所生也麋鹿牛馬之地春秋賦生殺老彼麋鹿之地卽數牛
馬之地卽牧也江永云數牧養蕃鳥獸不必家畜數牧之民各
守其地野鳥獸取之有時是亦所以養蕃之疑數牧之民有二
種其受田於遠郊者則貢家畜其處山澤與邦田之地者則貢
野鳥獸家畜入於遂師而遂師以共野牲其卵鳥則掌畜復養
而共之野鳥獸入於述人獸人與掌畜而諸官以共腊人庖人
之用案江說是也云行曰商廋曰賈者司市注云通物曰商居
賈貨曰賈義與此同說文商部云商從外知內也又貝部云賈

行賈也賈市也一日坐賣售也案商卽賣之段字白虎通義商賈篇云商之爲言商也商其遠近度其有亡通四方之物故謂之商也賈之爲言固也固其有用之物以待民來以求其利者也行曰商止曰賈易曰先王以至日閉關商旅不行后不省方論語曰沽之哉我待價者也卽如是尙書曰犇牽車牛遠服賈用方言遠行可知也方言欽厥父母欲留供養之也案商賈對文則異散文則通故尙書以行爲賈班說非文選西京賦薛注又云坐者爲商行者爲賈蓋談文云阜盛也者毛詩鄭風大叔于田傳文大司徒司市掌畜注義並同云金玉曰貨者後注云貨賈珠貝自然之物也聘禮記多貨則傷于德鄭彼注云貨天地所化生謂玉也金玉並天地所化生自然之物故謂之貨杜

臺卿玉燭寶典引蔡邕月令章句云龜具金玉之屬曰貨云布帛曰賄者玉燭寶典引月令章句云布帛魚鹽之屬曰賄案此商賈阜通貨賄大司徒十二職專謂之通財說文貝部貨賄並訓云財也漢書食貨志云貨謂市帛可衣及金刀龜貝所以分財布利通有無者是布帛亦得爲貨蓋對文則異散文則通賈疏云聘禮曰賄用束紡是人所爲曰賄也若然王制云錦文珠玉不粥于市此商賈得通之在市者彼賸珠玉有錦文者或彼異代禮也案左氏襄十五年宋人獻玉于子罕子罕實諸其里使玉人爲之攻之富而後使獲其所服氏云富賈玉得富是其得粥玉也案賈說非也王制所說欲防民之奢耳此經主於阜通貨賄義各有當不當援彼疑此又王制錦文與珠玉各異

物賈謂珠玉有錦文者尤謬云嬪婦人之美稱也者敘官九嬪
注云嬪婦也案此嬪婦指外嬪婦卽典器之外工與九嬪世婦
等內嬪婦異嬪義取可賓敬故爲婦人之美稱詳敘官疏引堯
典曰釐降二女嬪于虔者證嬪爲婦人美稱僞孔傳云降下嬪
婦也與鄭義同云臣妾男女貧賤之稱者書賈誓臣妾逋逃僞
孔傳云役人賤者男曰臣女曰妾史記魯世家集解引鄭書注
云臣妾厥役之屬也惠士奇云古無奴婢有臣妾易遯九三畜
臣妾吉旅六二得童僕貞左昭七年傳謂之皂隸輿臺公羊宣
十二年傳謂之厮役扈養周書大聚曰春發枯槁夏發菜榮秋
發實蔬冬發薪蒸皆臣妾之職也又云魯國之法贖人臣妾于
諸侯者皆取金于府並見呂覽家語故知古之臣妾卽今之奴

婢江永云臣妾奴婢也貧民鬻身爲人奴婢鬪師無疏材之貢
惟其貧也而九職生財必及之質人掌成市之貨賄人民注人
民奴婢卽此經之臣妾也庶人商賈家皆有之云晉惠公卜懷
公之生日將生一男一女男爲人臣女爲人妾生而名其男曰
圉女曰妾及懷公質於秦妾爲宦女焉者證臣妾爲男女之賤
稱賈疏云左氏傳僖十七年夏晉太子圉爲質於秦云惠公之
在梁也梁伯妻之梁嬴孕過期卜招父與其子卜之其子曰將
生一男一女招曰然男爲人臣女爲人妾故名男曰圉女曰妾
及于圉西質妾爲宦女焉注養馬曰圉不聘曰妾此與文異者
鄭以義括之也云疏材百草根實可食者者委人注云疏材草
木有實者案疏俗作蔬小爾雅廣物云菜謂之蔬爾雅釋天郭

注云草菜可食者通名爲蔬國語魯語云烈山氏子柱能植百穀百蔬韋注云草實曰蔬案據委人注則木實亦得稱蔬故月令有能取蔬食田獵禽獸者鄭彼注云草木之實爲蔬食玉燭寶典引月令章句亦云蔬食謂山有榛栗杼櫛澤有菱芡鳧苽此之屬可以助穀者也此注不及木實者文偶不具上云園圃毓草木據人所種者言之此蔬材之草木據地自生者言之以其種別繁多故得百蔬之稱矣云蔬不熟曰饑者釋文熟作孰案熟卽孰之俗曹憲廣雅音云顧野王玉篇孰字加火未知所出是古無熟字當以釋文爲正爾雅釋天云穀不熟爲饑蔬不熟爲饑果不熟爲荒彼蔬作蔬亦俗字也詩小雅雨無正孔疏引李巡注云可食之菜皆不熟爲饑引之者證蔬材可共食也

周禮正義卷二終